

中山圖書館存

民國十九年
蔣介石先生言論

中華民國十九年二月初版

蔣介石先生言論之一

每冊實價大洋二角

有發行權

校閱者 邵力子

編輯者 鄧文儀

速記者 林春華

印發者 拔提書店

南京國府路

分售處 各省大書店

蔣介石先生最近肖像



民國十九年 蔣介石先生言論之一目錄

蔣介石先生最近肖像

上篇 論著

以氣節廉恥爲立黨立國之本……………一

一月份之軍事政治報告……………五

中篇 演講

國民政府元旦團拜禮訓詞……………一三

國民政府元旦授勳禮訓詞……………一三

一月六日國府紀念週政治報告……………一四

一月十三日國府紀念週政治報告……………一六

一月二十一日國府紀念週演詞……………二五

一月二十七日國府紀念週演詞……………二七

下篇 訓話

民國十九年蔣介石先生言論之一 目錄

二

一月六日中央軍校紀念週訓話.....	三〇
一月十三日中央軍校紀念週訓話.....	四二
一月二十一日中央軍校紀念週訓話.....	五八
一月二十七日中央軍校紀念週訓話.....	七三
對第二師全體官兵訓話.....	八九
對第二師官長訓話.....	九一
對第三師全體官兵訓話.....	九六
對第三師官長訓話.....	一〇二
對第一師官長訓話.....	一一三

附 錄

中央慰勞蔣中正同志文.....	一二九
電全國輿論界.....	一三〇
招待新聞界談話.....	一三一

以氣節廉恥爲立黨立國之本

總理彌留之際，以奮鬥和平救中國之重任，付諸本黨諸同志。我同志秉此遺緒，艱苦奮鬥，亦既有年。中間反側時間，干戈迭作，賴諸同志之一心一德，不屈不撓，叛亂黨國之徒，次第削平。自今年起，當可漸現和平曙光，舉訓政之綱，上建設之軌矣。然而以言外交，則帝國主義之壁壘依然；以言內政，則因一切反動而鮮著效績。而尤可慮者，人心頹墮，世風澆漓，以投機取巧爲智，以叛亂反覆爲勇，氣節墮地，廉恥道喪，凡吾民族遺留之德性，與總理提倡之精神，至是而日就淪亡，將使和平無實現之日，而中國且無挽救之望！若長此以往，一任其下流忘反，則亡國滅種之禍，曾無待於帝國主義之侵略，與共產黨之擾亂。國家民族而至於氣節墮地，廉恥道喪，則爲禍之烈，百千倍於人以武力與經濟之亡我！蓋亡於帝國主義，亡於共產黨等，苟我民族氣節與廉恥之尚存，則必仍有興復之一日；否則人心一死，國魂不歸，天長地久，永無復活之期！

以氣節廉恥爲立黨立國之本

此中正心所爲危，不敢不告，不敢不於十九年開始之日，謹掬肺腑涕泣以道者也。

總理致力於國民革命，四十餘年，其最大偉烈，爲中國民族復興之源泉者，卽以偉大之革命人格，創率羣倫，使貪夫廉，使懦夫有立志，使我全體同志皆有爲黨爲國赴湯蹈火之決心，使我全體同志皆有砥礪廉隅聞道如不反之至誠；秉此精神，乃能褫敵人魂魄，得全國同情。自第一次革命軍起於廣州，前後十餘戰，連遭失敗，革命精神轉因失敗而益彰，國民之同情於本黨者，亦轉因失敗而益摯，在本黨則斷頭瀝血，踴厲無前，在國民則嚮往殷勤，如望雲霓，此種可歌可泣之歷史，實以革命人格爲中心。辛亥以後，一部分同志，誤謂革命已成功，身心一懈，遂爲富貴所淫，蕩檢踰閑，如水就下，終至離畔主義，自毀人格，於是國人嚮往本黨之殷勤，不復如前。袁世凱乘此一隙，遂得摧殘本黨，爲所欲爲矣。總理熟揆得失之因，識其機樞所在，乃嚴格甄別，改組本黨，重申紀律，振起精神，同志等受此約束，誓死不渝，因是乃得竟北伐之功，成統一之局，凡吾同志，應亦瞭然於本黨過去之教訓矣。蓋黨有健全的革命人格，則黨爲國

人所信仰，失健全的革命人格，則黨爲國人所厭棄；黨員而盡爲有氣節廉恥之黨員，則黨必健全，黨員而爲蕩檢踰閑之黨員，則黨必頹亡：此中消息，至捷至明，國家民族之興亡，悉繫於此。嗚呼！人心惟危，來日大難，吾同志奈何尙有不刻苦自檢，而終爲黨國之罪人，總理所痛恨者乎？

過去教訓，既如上述，以言將來，更多警惕。蓋就國民革命之全部使命言，今日之所得，僅及一二，最偉大之奮鬥，最險惡之境遇，將不絕而來也。同志際此時艱，尤宜奮厲！中正追隨總理二十餘年，深仰總理大無畏之精神，在每遇危險而益著。凡恆人所震驚憂慮者，總理無不處之泰然；非特處之泰然；且每以大無畏之精神，克服危險，使革命進展愈形迅速！總理此種摧毀一切反動之勢力，實得之於偉大革命人格。故境遇之險惡不足患，患在無克服境遇之人格。正惟吾黨有險惡之境遇，乃足以助我同志偉大人格之鍛鍊；正惟中國有險惡之境遇，乃足以增我國民偉大人格之聲光。孟子謂任大事者，必動心忍性，增益其所不能；故自有志者言，一切患難，皆爲鍛鍊發揮革命

人格之良機，非特無所畏，且必歡欣鼓舞以赴之，乃得受總理之心傳，成總理之信徒。否然者臨危則退，見利則進，居恆則放僻邪侈無所不爲，即幸免於法律之制裁，必無逃於人格之破產！值此國家民族危殆之時，而有此人格破產之黨員，則亡國滅種之咎，誰實尸之？此中正所以瞻念前途，憂心如焚，甯負失言之責，而不敢不言者也。

同志知之乎，本黨組織，今已公開遍佈於國內，其組織爲區分部，而區黨部，縣黨部，省市黨部。黨部所在之地，即同志以身作則之地，人民以真誠接受本黨之指導，一區分部中同志而能以氣節廉恥倡，則此分區之人民化焉；若以腐惡貪詐倡，則此區之人民亦化焉。能以氣節廉恥倡，則正人君子，必仰慕而來以擁護本黨；以腐惡貪詐倡，則正人君子必却步不前，且必反對本黨。累是以上，爲區，爲縣，爲省市，以至於全國，苟導人於腐惡貪詐，而爲止入君子所惡，則黨且爲世道人心之罪人，又何貴乎各地有黨部耶？又尙何以黨訓收之有！彼共產黨之爲國人所擯斥者，以其破滅民族性無節氣廉恥也；彼改組派等之爲國人所擯斥者，以其朝三暮四反覆無常毫無革命人格也；彼殘

餘軍閥以及反側之徒爲國人所擯斥者，以其在本黨主義指導之下而又離黨以投機也。往事昭昭，公道未沒。本黨同志，苟能以各個的革命人格，團聚爲整個黨的人格，則前途一切困難，一切敵人，皆如摧朽拉萎，訓政工作之完成，可無愆期，而和平卽有實現之望。否則良心自訟，已無生望，況在內憂外患紛至沓來之將來哉！中正權衡全局，不避譴直，敢以此勉同志，且亦以此自勉焉！

一月份之軍事政治報告

討逆軍事結束改組派潛形

外交問題注重撤消領判權

縮減機關以增進政治效率

中正受黨國重寄，忝主席政務，兼總戎機，念國步之艱難，感責任之綦重。雖亦躬自振奮，激勵僚屬，夙夜盡瘁，冀補萬一。無如國基初奠，反動肆擾，規模初具，阻礙

一月份之軍事政治報告

卽生，致一切施設，實未能盡饜民衆之渴望。然其間政府經營之苦心，亦有爲民衆所應諒解者。爰自本年一月起，逐月將一切政治軍事之經過，條舉大略，昭示全國，俾一般民衆得明國家政治之大勢與夫當局工作之情形，而收政府民衆協力合作之效焉。

軍 事

首言軍事。民國十八年，實爲黨國環境最困難之厄歲。叛逆既熾起於四方，外敵復突犯於東北。一年之間，此與彼仆之東擊西應，或則貌似忠誠，中途反噬；或則偶受誘惑，變驚幾輔。士卒犧牲，民衆顛沛，固已不待煩言。卽中正個人之痛苦，亦非言語所能形容。幸賴將士努力，民衆擁護，屢經苦鬥，始將一切反動勢力，次第肅清。至本年一月，各方軍事，遂漸告結束。茲特將其經過，分述如下：

(一) 討唐軍事，自去年十二月下旬第二盜軍總指揮劉峙北上信陽，卽督令各師，節節前進。自二十六日至三十一日，於冰天雪地中，經五晝夜之血戰，遂將唐逆主力，完全摧毀。楊軍長虎臣所部，遂抄出逆敵後方，於元旦日進克駐馬店。同時閻副司令亦

於一月三日蒞鄭督師，督同王金鈺王均等師南下。唐逆至此，遂成釜底游魂，乃於六日電閩副司令請求准其隻身出洋，將所部暫交劉興負責；但於七八兩日，復囑使孫殿英部拒守西平鄆城，廣事裹脅，冀圖最後之掙扎。但唐逆部下因飢寒交迫，兵無鬥志，且益以我二路軍迫擊甚速，無力抵抗，故唐逆遂隻身化裝潛逃。劉興龔浩等亦于八日派代表向中央表示輸誠，其所部之旅團長等亦均翻然悔悟，誓志服從。遂於十三日在沙河附近完全繳械，聽候給資遣散，河南境內，此時已無唐逆一兵一卒之存留。于此，可知背黨叛國之反動軍閥，無論如何猖獗，如何險毒，終必爲革命勢力所消滅！此卽順逆之勢之所分也。

(二)張桂諸逆自西江潰敗以後，紛向廣西逃竄，第八路軍卽乘勝進駐梧州，調度一切，以便早日肅清。呂煥炎於六日晚抵梧，與陳總指揮商決剿滅殘逆辦法，朱總指揮紹良部任肅清桂林至柳州一帶張逆殘部及土匪潰軍，陳總指揮濟棠部任肅清桂平貴縣一帶反動軍隊。至其步驟，則先攻桂柳殘敵，次肅清南甯。刻桂柳已爲第六路軍次第肅清，

張逆殘部紛紛輸誠，小部竄義甯廣南一帶，已不足爲患。黃權所部桂軍亦已向呂煥炎輸誠，呂命其退駐石龍，聽候改編。是張桂諸逆肅清之期，當在不遠。而改組派所憑藉之反動武力，既已潰敗無餘，故近日已銷聲匿跡，無從再施其譁張爲幻之技矣。

(二)自石友三所部在浦口安慶等處譁變，津浦交通卽爲之斷絕，而社會亦因此發生極大之疑懼。其實石部之變，全受奸人挑撥，以致出此下策。中央本和平統一之宗旨，深以內戰爲可恥，凡事苟可以和平解決者，決不願作無謂之犧牲，徒苦吾民。故自石部表示悔過，中央卽任命石友三爲河南清鄉總指揮，令其迅速離蚌，移駐歸德亳州。刻石部已於一月二十四日開始向歸毫開拔，徐蚌之間全由第二第三兩師接防，津浦交通，業已完全恢復。以上所述，則爲本年一月間結束軍事之經過情形。

外交

次言外交，一切反動勢力既已肅清，各地軍事亦已漸告結束。故目前政府之重要工

作，對外則爲不平等條約之取消，對內則依據訓政方案積極從事建設。而在取消不平等條約之工作中，實以撤銷領事裁判權爲第一步。故自去年十二月頒布取消領判權之明令後，國民政府即積極進行，以期早日恢復法權，完整統治。而改組上海臨時法院，又爲撤銷領事裁判權之第一步。關於改組上海臨時法院，一月以來，經司法外交當局與外人交涉之結果，亦已有具體辦法，其內容不日即可公佈。此次決定，容或有未能盡滿國人之望者，但須知即此不盡滿意之結果，亦曾幾經周折，始克臻此。不過此種組織，原屬一種過渡辦法，領事裁判權，一旦撤銷，則此種畸形機關，自亦不能成立。總之：一切不平等條約不平等特權之能否取消，完全以吾國人之能否自強爲斷；否則將永無實現此目的之一日！

內 政

再言內政，積極從事建設既爲目前政府之重要工作，而安定社會又爲從事建設之基礎。故政府久已三令五申，責令各地官吏，嚴行剿匪；於本年一月又通令各機關遵照清

民國十九年蔣介石先生言論之一

一二

總括言之：此一月間政府之工作，除結束軍事，努力廢除不平等條約外，其最重要者，厥惟刷新政治，增加政治效率，藉作完成訓政之基礎。望全國同胞，本此主旨，以全力協助政府，以貫徹政府之政策，而實現人民之福利！

中

篇

(演講)

